



## **Acta sanctorum**

quotquot toto orbe coluntur, vel a catholicis scriptoribus celebrantur, quae  
ex Latinis et Græcis, aliarumque gentium antiquis monumentis

Quo dies tertius et quartus continentur

**Bolland, Johannes**

**Parisiis et Romae, 1866**

De SS. Lucio Et Chæremone Et Aliis Anonymis Alexandriae Aut Forte Alibi  
In Ægypto. Sylloge.

---

[urn:nbn:de:hbz:466:1-72907](https://nbn-resolving.org/urn:nbn:de:hbz:466:1-72907)



A

## DE SS. LUCIO ET CHÆREMONE ET ALIIS ANONYMIS

## ALEXANDRIÆ AUT FORTE ALIBI IN ÆGYPTO.

## SYLLOGE.

C. B.

MEDIO SÆC. III  
ELAPSO.  
Lucius et  
Chæremone,  
qui hodie cum  
aliis Fastis  
sacris inscri-  
buntur,

**M**enologium Sirlletianum hodie Fau-  
stum, Gaium, Eusebium et Chæ-  
remone ita celebrat: Natalis san-  
ctorum martyrum Fausti, Gaii,  
Eusebii et Chæremonis diacono-  
rum. Hi fuerunt discipuli Magni  
Dionysii, et diaconi Domini nostri  
Jesu Christi, et Gaius quidem et Faustus cum ma-  
gistro exules facti, et multa tormenta perpassi,  
martyrii finem acceperunt: Eusebius et Chæremone  
post magistri exilium Sanctos, qui erant in carce-  
ribus, visitantes, et martyrum reliquias sepelien-  
tes, usque ad Decii tempora pervenerunt, multas  
perferentes tentationes propter Christi confessionem,  
cujus causa detenti obruncati sunt. Menolo-  
gio Sirlletiano ad verbum fere consonant Græcorum  
Menæa excusa; quamvis autem Menologium Basi-  
lianum et ab his et a Sirlletiano in elogii, quo San-  
ctos exornat, adjunctis nonnihil discrepet, eosdem  
tamen etiam hodie annuntiat. Idem etiam faciunt  
nonnulli Latinorum Fasti sacri, hosque inter ipsu-  
met Martyrologium Romanum hodiernum.

ex Eusebio  
primitus de-  
prompti sunt.

**2** Hoc porro, quod Sanctis, e Menologio Sirlletiano  
acceptis, frequenter est auctum, hodie sequentem, ex  
Sirlletiano verosimillime etiam depromptam, cui ta-  
men Lucius, in Sirlletiano non expressus, adjicitur,  
annuntiationem suppeditat: Alexandria sanctorum  
presbyterorum et diaconorum Gaii, Fausti, Eusebii,  
Chæremonis, Lucii et sociorum: ex quibus alii in  
persecutione Valeriani martyres facti, alii marty-  
ribus servientes mercedem martyrum receperunt.  
Sancti, in Fastis sacris, quos jam recensui, producti  
ii sunt, qui ab Eusebio lib. vi, cap. 40, et lib. vii,  
cap. 11 memorantur, quique cum Dionysio, Alexan-  
drino episcopo, mota Alexandria et in Ægypto ad-  
versus Christianos persecutione, plurima fuere per-  
passi. Liqueat id tum ex eo, quod in encomio, quod e  
Menologio Sirlletiano num. 1 jam datum est, Magni  
Dionysii dicantur fuisse discipuli; tum ex eo, quod  
homonymi sint iis, quos in persecutionum ærumnis  
S. Dionysio, Alexandrino episcopo, socios comitesve  
existisse, locis proxime citatis refert Eusebius. At  
vero, quamvis Sancti illi, uti ex jam dictis recte  
collegeris, ex probato Eusebii fonte fuerint verosimil-  
lime primitus deprompti, de omnibus tamen et sin-  
gulis hic agendum non est. Etenim de Eusebio quidem  
ad 5 Julii; de Caio vero seu Gaio et Fausto ad diem  
præcedentem jam actum est.

quædam de  
Chæremone  
ex Eusebio

**3** Hinc porro jam restat, ut de solis hic tractem  
Lucio et Chæremone; quod enim pertinet ad Socios  
anonymos, qui Sanctis, nominatim expressis, in data  
Martyrologii Romani annuntiatione adjunguntur,  
cum in obscuro sit, quinam ex illis nuspam alibi in  
Martyrologiis annuntientur, hodieque proinde dari  
possent, nihil de iisdem nominatim edicam, Dionysio  
Alexandrino, illos existisse in persecutionum ærum-  
nis socios, ex Eusebio asserere contentus. Itaque  
missis illis Sanctis, qui in Romano linquuntur ano-  
nymis, quæ de Lucio et Chæremone dicenda sunt,  
expedio. Chæremone, anno 257 excitata in Christia-  
nos a Valeriano persecutione, Dionysium, Alexan-

drinum episcopum, ad Emilianum Augustalem  
præfectum, ad quem hic accessus fuerat, comitatus  
est, fidemque coram præfecto intrepide confessus, cum  
Dionysio in exilium est pulsus. Docet id apud Eu-  
sebius lib. vii, cap. 11 ipsemet Dionysius in sua  
adversus Germanum epistola, quam propterea stu-  
diosus lector potest consulere. Porro Chæremone,  
antequam in Valeriani persecutione Christum coram  
Emiliano confiteretur, jam antea in Deciana per-  
secutione in præsentissimis periculis sese intrepidum,  
genuinaque charitate erga proximum incensum pro-  
bat. Docet id iterum apud Eusebium ipsemet  
Dionysius Alexandrinus in sua, quam, Deciana  
persecutione durante, ad Domitium et Didymum  
conscripsit, epistola.

**4** Verba, quod, quæ ad Lucium pertinent, simul  
doceant, huc describo. Sic habent: In urbe (Alexan-  
drina scilicet) occultarunt sese, ut fratres clanculo  
invisant, presbyteri quidem, Maximus, Dioscorus,  
Demetrius et Lucius.... Diaconi vero post illos, qui  
morbo consumpti sunt, superstites, Faustus, Eu-  
sebius, Chæremone. Porro, cum hinc jam, Chære-  
monem quidem ad Valeriani usque persecutionem;  
Lucium vero usque ad Decii item persecutionem in  
vivo fuisse superstitem, palam fiat; Decii autem per-  
secutio anno 250; Valeriani vero anno 257 initium  
ceperit, consequens est, ut Lucius et Chæremone ante  
annum 250 vita functi non sint, hincque est, cur  
supra in margine medium sæculum tertium elapsum  
adscripserim. Verum, inquit, an tempus, quo Sancti  
mortalem hanc vitam cum immortalis commutarint,  
propius determinari non potest? Innuat quidem elo-  
gium, ex Sirlletiano Menologio supra recitatum,  
Chæremone in Deciana persecutione consummasse  
martyrium. Verum cum ex dictis Chæremone usque  
ad Valeriani persecutionem in vivo fuerit superstes,  
certissime id a vero alienum est. Quod vero ad Lu-  
cium pertinet, illius mentionem non facit Sirlletia-  
num, nihilque usquam occurrit, ut annum ejus emor-  
tualem determinem.

**5** Nec melius definiri potest, quo loco, et quo mortis  
genere, violentone an naturali, Sancti diem extremum  
clauserint. Romanum quidem hodiernum illos Ale-  
xandriæ consignat; verum, cum nullum fundamen-  
tum sat solidum, ut Alexandriæ ponantur defuncti,  
uspam invenierim, malo illos Alexandriæ vel alibi in  
Ægypto, quam in definita Alexandrina urbe credere  
defunctos. Quod jam pertinet ad genus mortis, quo  
diem extremum clauserint, de Lucio plane id in ob-  
scuro est; quod vero ad Chæremone attinet, ait  
quidem Sirlletianum, cui Menæa excusa consonant,  
illum capite minutum exspirasse; verum cum simul  
asserat, Eusebium, qui tamen, uti ex dictis de eo ad  
5 Julii facile intelliges, in pace Laodicæ creatus  
episcopus quieverit, eodem supplicii genere migrasse  
ad Dominum, nullam omnino hic fidem meretur.  
Itaque tam genus mortis, quo Sancti vita functi sint,  
quam annus determinatus, quo obierint, in obscuro  
est, nihilque de illis certo scitur, præter ea, quæ ex  
Eusebio supra produximus.

E  
uti etiam de  
Lucio. Neuter  
ante annum  
250 obiit,

nec annus  
eorum emor-  
tualis aut  
genus mortis  
determinari  
potest.

DE